

३७. श्रावस्तीनगरीकल्पः ।

दुहसरितारणवत्थी सावत्थी सयलसुक्खपसवत्थी । नमिऊण संभवजिणं तीसे कित्तेमि^१ कप्पलवं ॥ १ ॥

अत्थि^२ इहेव दाहिणद्धभारहे वासे अगणिज्जगुणगणविसए कुणालाविसए सावत्थी नाम नयरी संप-
15 इकाले महेठि^३ ति रूढा वट्ठइ^४ । जत्थ अज्जवि घणगहणवणमज्झट्ठियं सिरिसंभवनाहपडिमाविभूसियं गयणग-
लग्गसिहरं पासट्ठियजिणबिंबमंडियदेवउलियाअलंकरियं जिणभवणं चिट्ठइ पायारपरियरियं । तस्स चेइयस्स दुवारअदू-
र^५ सामंते विल्लिरउल्लसिर^६ अतुल्लपल्लवसिणिद्धच्छाओ महल्लसाहाभिरामो रत्तासोअपायवो दीसइ । तस्स य जिणभवणस्स
पओलीए जे क्वाडसंपुडा^७ आसि ते माणिभइजक्खाणुभावाओ सूरिए अत्थमुविते सयमेव लग्गंति म्ह; उदिए य
दिणयरे सयमेव उघडंति म्ह । अन्नया कलिकालदुल्ललिअवसेण अल्लावदीणसुरत्ताणस्स मलिककेण हव्वसनाम-
20 गेणं वहडाइच्चनगराओ आगंतूण पायारभित्ति-क्वाडाइं कइवयबिंबाणि अ भग्गाणि । मंदप्पभावा हि भवंति दूस-
माए अहिट्ठायागा । तहा तस्सेव चेइयस्स सिहरे जत्तागयसंघेणं कीरमाणे हवणाइमहूसवे आगंतूण एगो चित्तगो
उवविसइ । न य कस्स वि भयं जणेइ । जाव मंगलपईवे कए सट्ठाणमुवगच्छइ ति ।

इत्थेव नयरीए बुद्धाययणं चिट्ठइ जत्थ समुद्वंसीया करावल्ल^८ नरिंदकुलसंभूया रायाणो बुद्धभत्ता अज्ज वि
नियदेवयस्स पुरओ महग्घमुल्लं पल्लाणियं अलंक्रियं विभूसिअं महातुरंगमं दोअंति ।

25 जंगुलीविज्जा य इत्थेव बुद्धेण ससंपदाया पयासिया महप्पभावा ।

इत्थेव निप्पज्जंति नाणाविहा साली; जेसिं सव्वसालिजाइण इक्किक्के कणंमि निक्खिप्पमाणे^{१०} आसिहं भरि-
ज्जइ महंतं खोरयं ।

इत्थेव भयवं संभवसामी चवण-जम्मण-निक्खमण-केवल्लानुप्पत्तिकल्लाणगाइं ससुरासुर-नर-भवणमणरंज-
णाइं अकारि ।

30 कोसंबीपुरीए उप्पण्णो जियसत्तुनिवसचिवकासवपुत्तो जक्खा^{११} कुक्खिसंभूओ कविलो महरिसी

1 P मानधियः । 2 B कप्पेमि । 3 P नास्ति 'अत्थि' । 4 B महिठि; D महठि । 5 P विहाय नास्त्यन्यत्र 'वट्ठइ' ।
6 P नास्ति 'अदूर' । 7 B D °उल्लसिरं । 8 C °संपुटा । 9 C करावल्ल°; P करवेल्ल° । 10 P °माणे । 11 D P जसा° ।

श्रावस्तीनगरीकल्पः ।

७१

जणयंमि विवन्ने विज्जाअहिज्जणत्थं एयं नयरि¹ समागओ पिउमित्तइंदत्तउवज्झायसयासे सालिभइइब्भदा-
सचेडीवयणेणं दोमासयसुवण्णकए वच्चंतो कमेण सयंबुद्धो जाओ । पडिबोहिऊण पंचसयचोरे सिद्धो अ ।

इत्थेव तिंदुगुज्जाणे पंचसयसमण-अज्जिआसहस्सपरिवुडो पढमनिन्हवो जमाली ठिओ । ढंकेण कुंभया-
रेण पढमं नियसालासंठिआ भगवओ धूआ पिअदंसणा अज्जा साडियाए² एगदेसे अंगारं छोद्वण 'कयमाणे
कडि'त्ति वीरवयणं पडिवज्जाविया । तीए य सेससाहुणी साहुणो पडिबोहिया सामिं चेव अल्लीणा । एगो चेव 5
जमाली विपडिवन्नो ठिओ ।

इत्थेव तिंदुगुज्जाणे केसीकुमारसमणो गणहरो भयवया गोअमसामिणा कुट्टयउज्जाणाओ आगं-
तूण परुप्परं संवायं च काउं पंचजामं धम्ममंगीकारिओ ।

इत्थेव एगं वासारत्तं समणो भयवं महावीरो ठिओ खंडपडिमाए; सक्केण य पूइओ चित्तं तवोकम्ममकासी ।

इत्थेव जियसत्तु-धारिणीपुत्तो खंदगायरिओ उप्पन्नो जो पंचसयसीससहिओ पालगेणं कुंभयार-10
कडनयरे जंतेण पीलिओ ।

इत्थेव ³जियसत्तुरायपुत्तो भद्दो नाम पवइत्ता पडिमं पडिवन्नो विहरंतो वेरज्जे⁴ संपत्तो चोरिउ त्ति काऊण
गहिओ रायपुरिसेहिं तच्छियंगो खारं दाउं कक्खडदब्भेहिं वेढिओ मुक्को सिद्धो अ ।

जहा रायगिहाइसु तहा इत्थवि नयरीए बंभदत्तस्स हिंडी जाया ।

इत्थेव खुड्डुकुमारो अजियसेणायरियसीसो जणणीमयहरिया-आयरिय-उज्झायनिमित्तं बारसबारसवरि-15
साणि दव्वओ सामण्णे ठिओ । नट्टविहीए 'सुट्टु गाइयं सुट्टु वाइय'मिच्चाइ गीइयं सोउं जुवराय-सत्थवाह-भज्जा-मच्च-
मिंठेहिं समं पडिबुद्धो ।

एवमाईणं अणेगेसिं संविहाणगरयणाणं उप्पत्तीए एसा नयरी रोहणगिरिभूमि त्ति ।

सावत्थिमहात्थिस्स कप्पमेयं पढंतु विउसवरा । जिणपवयणभत्तीए इय भणइ जिणप्पहो सूरी ॥ १ ॥

॥ इति श्रीश्रावस्तीनगरीकल्पः समाप्तः ॥

20

॥ अं० ४२ ॥

1 P नयरि । 2 P साडियाएग° । 3 C जय° । 4 D वेरज्जे ।